



Members of the Board

Beth Albiani
Nancy Chaires Espinoza
Carmine S. Forcina
Chet Madison, Sr.
Dr. Crystal Martinez-Alire
Anthony "Tony" Perez
Bobbie Singh-Allen

Christopher R. Hoffman
Superintendent

(916) 686-7700
FAX: (916) 686-7787
EMAIL: suptoffice@egusd.net

Robert L. Trigg Education Center
9510 Elk Grove-Florin Road, Elk Grove, CA 95624

March 2, 2018

Nyob Zoo Cov Tsevneeg Ntawm Elk Grove Unified,

Kuv pab team thiab kuv yeej ua tib zoo sojntsuam txog qhov xwmtxheej phem thiab txaus ntshai uas nyuam qhuav tshwm tsi ntev tas los no nyob rau tim Parkland, Florida. Lub sijhawm uas tseem tabtom muaj kev tshawb nrhiav thiab kev sojntsuam ua ntu zus li no, thov kom nej paub tias peb yeej ua haujlwm ze nrog rau cov tibneeg ua haujlwm hauv lub District no, cov tub ceevxwm thiab tej koomhaum hauv lub zejzoz kom muaj kev npaj rau kev cobphum kev thaj yeeb nyab xeeb thiab ua raws li txojcai. Los ntawm qhov xwmtxheej tsi zoo uas nyob nram Parkland no, cov tub ntxhais nyob thoob plaws lub tebchaw meska yuav npaj muaj ib qhov kev hais tawm txog lawv tej kev xav, kev txhawj ntshai thiab lawv tej kev cia siab tias yuav tsi muaj tej yam xwmtxheej phem li no ib zaug ntiv lawm. Tej yam event yuav ua xws li (walkout) uas yog sawvdaws tuaj hais txog tej uas lawv tsi txaus siab lossis tuaj kwv paib hais txog tej lawv tsi txaus siab, mas yeej nyuaj zog rau cov tsev kawm ntawv vim yuav tsum tau muaj kev saib xyuas zoo kom muaj kev cobphum rau cov tub ntxhais thiab lawv kev tuaj kawm ntawv nrog rau lawv tej cai uas lawm muaj txog kev hais tawm tej lawv xav hais.

Thov nco ntsoov tias cov tub ntxhais kev cobphum yog thawj qhov uas peb yuav tsum tau saibxyuas uantej thiab peb yuav ua haujlwm kom zoo kom peb cov tsev kawm ntawv tsi txhob muaj kev tabkaum dabtsi rau thaum lub Peb Hli hnuv tim 14, uas yog hnuv tasnrho lub tebchaws meska no cov tsev kawm ntawv yuav muaj qhov walkout, qhov no yog hais tibsi rau cov hnuv tomqab ntawd uas tejzaum tseem yuav muaj walkout dua thiab. Lub District yeej muaj tej kevcai thiab tej kevcai tswj tias yuav tsum tau ua licas los mus txhawb thiab pab cov tub ntxhais nyob rau tej lub sijhawm zoo li no txog (freedom of speech) uas leejtwg yuav xav hais dabtsi los yeej tau, koomtes nrog rau pejxeem sawvdaws hais txog tej uas tsi txaus siab, thiab tej teebmeem uas hais tsi sis haum uas peb xav txhawb kom ua tibzoo hais xwb thiab kom muaj kev nkag siab, yuav npaj kom muaj kev saibxyuas zoo thiab kom tsi txhob muaj tej yam tsi thaj yeeb nyab xeeb lossis muaj tej cwjpwmm tsi zoo.

Peb tseem tabtom ua haujlwm nrog rau cov thawj koj nyob rau ntawm txhua lub tsev kawm ntawv kom yuav tsum tau npaj muaj kev cobphum uantej rau cov tub ntxhais kawm ntawv, uas cia cov tub ntxhais hais tawm tej uas lawv xav hais. Ua ib cov xibfwb qhia ntawv mas, peb yeej npaj txhij yuav pab peb cov tub ntxhais kom muaj txojkev xav toj, paub nrhiav kev daws teebmeem, muaj kev koomtes nrog rau lub zej zos thiab muaj kev ncaj ncees paub qhov zoo qhov phem thaum los tham txog tej yam teebmeem nyuaj li no. Los ntawm tej teebmeem kev nyuaj siab uas peb niaj hnuv raug no, koj kev pab hais koj tus tub ntxhais txog kev uas koj tus cwjpwmm zoo nyob pem tsev kawm ntawv yuav pab tau kom muaj kev thaj yeeb nyab xeeb thiab tham tau mus zoo txog tej teebmeem nyuaj no.

Peb yeej twb hais rau peb cov tibneeg uas haujlwm kom muaj kev txhawb rau peb cov tub ntxhais thiab txhawb kom cov tub ntxhais hais tej lawv xav hais tuaj tiamsis yuav tsum ua tibzoo hais los ntawm kev txhawb kom txhua tus:

- Muaj kev totaub txog tej kevcai thiab yuav tsum tau ua licas, tsi hais peb cov xibfwb uas tuaj pab tibi.
- Yuav tsum muaj txojkev hlub txog thiab muaj kev xav li neeg ntiajteb xav txog txojkev hlub kev pab nyob rau kev sis tham
- Muaj kev koomtes los ntawm tsevneeg, cov tub ntxhais kawm ntawv, cov tibneeg ua haujlwm thiab lub zej zos
- Muaj kev ncaj ncees, muaj kev ntseeg siab tau, tsi txhob muaj kev tawm tsam thiab kom pom meej
- Yuav tsum saib ntsoov rau yam yuav ua ntawd xwb
- Yuav tsum npaj txhij nqis tes pab lossis ua
- Yuav tsum muaj kev sis fwm thiab qhib siab mloog txhua yam yuav hais tuaj; tsi txhob muaj kev ntsub ntxaug lwm tus yog tus yawmsij

Elk Grove Unified School District yog tus thawj ua tau qauv zoo txog kev koomtes ntawm pejxeem sawvdaws thaum muaj kev sis tham txog tej teebmeem li no uas cov tub ntxhais yeej muaj kev cobphum thiab raug saib taus. Peb xav kom cov tub ntxhais mob siab tuaj kawm ntawv thiab ruaj siab tau rau lawv txojkev ntseeg thiab muaj peevxwm vammeej lawm yav tom ntej. Kev thaj yeeb nyab xeeb yog thawj qhov uas peb yuav tsum tau ua uantej sub peb kev kawm ntawv los thiaj yuav yog thawj qhov thiab. Ua tsaug rau koj txojkev mob siab, txhawb thiab kev txhawj xeeb txog peb cov tub ntxhais kev uas yuav hais tawm lawv tej kev ntsawv siab txog qhov teebmeem no.

Ntawm Siab Dawbpaug,



Christopher R. Hoffman

Thawj Tsavxwm

Elk Grove Unified School District